

Injil untuak anak-anak
hadiah



Kalahiran Gereja



Ditulih oleh: Edward Hughes

Diilustrasikan oleh: Janie Forest
Alastair Paterson

Diadaptasi oleh: Ruth Klassen

Diterjemahkan oleh: Yulia Anggraini

Diproduksi oleh: Bible for Children
www.M1914.org


©2023 Bible for Children, Inc.

Lisensi: awak punyo hak manyalin atau mancetak carito iko,
salamo awak indak manjual nyo.



katiko Yesus maningga, Pangikuik-pangikuikNyo katakuikan, Urang-urang itu maandokan diri. Sasudah Yesus bangkik dari kamatian, Baliau manunjuakan diriNyo ka murik-murikNyo. Yesus iduik! Tapi Yesus barencana untuak maninggaan murik-murikNyo untuak pai ka sarugo dima Baliau selalu tingga basamo Tuhan. BapaNyo.





Sabalun
Baliau pai,
Yesus
bajanji
ka para
pangikuikNyo,
Baliau akan
mangiriman Roh dari
Allah untuak manjadi

penghibur dan panolong. (Yohanes 15:26).
Wakatunyo alah dakek! Babarapo hari
sasudah Yesus pai. Allah Roh kudus datang.



Dan terjadilah, Sakitar 120 pangikuik Yesus sadang badoa basamo dalam sabuah rumah. Tibo-tibo, rumah itu dipanuahi jo suaro tiupan angin kancang.



Lidah-lidah api inggok ateh masiang-masiang urang. Urang-urang sadonyo dipanuahi jo roh kudus. Bantuak yang dijanjian Yesus.



Di lua di jalan, murik-murik Yesus mangecek dalam bahaso yang indak pernah urang-urang itu palajari sabalunnyo. Urang-urang asiang yang bakunjuang mandanga murik-murik itu mangecek tantang karajo-karajo Tuhan yang luar biaso dalam macam-macam bahaso.



Pangunjuang-pangunjuang itu maraso heran.
"Apokah artinyo iko?" urang-urang itu batanyo.
"Mareka mabuak oleh anggur," urang lain
manyindia.



Tapi petrus manjawek, "urang-urang iko indak mabuak. Itulah yang difirmankan Allah jo parantaro nabi Yoel..." Petrus maingekan urang-urang itu kalau batahun-tahun yang lalu, Tuhan alah manjanjian roh kudus akan datang untuak mamberkati dan manolong mereka.




Petrus bakato ka urang-urang itu mereka harus
batobat dari doso mereka dan dibaptis dalam namo
Yesus kristus. "Dan andaklah kau masiang-masiang
maagiah diri dibaptis dalam namo Yesus kristus"
mako kau akan manarimo karunia Roh Kudus, Petrus
manjawek.

A stylized illustration of a large crowd of people, represented by grey silhouettes of heads and shoulders, filling the lower half of the frame. The crowd is dense and appears to be looking towards the right.

3000



Sakitar tigo ribu urang manaatinyo. Urang-urang itu bagabuang jo murik-murikNyo sabagai pamuji Yesus. Tiok-tiok hari jumlah urang-urang itu batambah dan gereja dimulai pado hari dima Roh Kudus turun.



Roh Kudus mambawo kuasoNyo
kadalam iduik umaik Tuhan. Suatu
hari, Petrus jo Yohanes pai ka dalam
rumah Allah dan katiko itu mandakek
ka wakatu sumbayang. Surang
lumpuah duduak di dakek pintu
gerbang lua. Inyo maminta pitih
ka Petrus jo Yohanes.





Sasudah itu Petrus manjawek.
"Ameh jo perak indak ado
padoku, tapi apo yang kupunyoi,
kubarian kapadomu: Dalam namo
Yesus kristus, urang Nazaret
itu. Bajalanlah!" Sasudah itu
inyo mamacik tangan suok urang
itu dan mambantunyo tagak.

Jadi urang lumpuah itu
malompek, tagak dan
bajalan masuak basamo
urang itu - bajalan,
malompek dan mamuji
Tuhan.



Urang banyak bakumpua basamo, kagum jo mujizat itu, Petrus bakato ka urang-urang itu kalau itu adolah kuaso Tuhan, bukan dirinyo surang. Dengan manyambuahan urang lumpuah itu.



Katiko Petrus maingekan urang-urang Yahudi kalau Yesus bangkik, pamimpin rumah Allah sangaik berang, manangkok Petrus jo Yohanes dan mamasuakan

mereka ka dalam pinjaro. Tapi walaupun bantuak itu, sakitar 5000 urang picayo ka Yesus.



Hari barikuiknyo, Petrus jo Yohanes tagak dimuko penguaso Rumah Allah. "Jo Kuaso manokah atau dalam namo siapokah kau batindak bantuak itu?" Panuah jo Roh Kudus, Petrus manjawek dengan barani. "Dalam namo Yesus Kristus urang Nazaret, yang kau salibkan, tapi yang alah dibangkitkan Allah dari antaro urang mati, dan karano Yesuslah urang ko bisa tagak dengan



sehat kini
dimukomu."





Tanpa takuik Petrus malanjuikan, "sabab dibawah kolong langik iko indak ado namo lain yang dibarian kapado manusia yang olehnyo awak disalamaikan." Karano indak ingin urang-urang picayo ka Yesus.

Pamimpin-pamimpin malarang kareh ka Petrus jo Yohanes. "Mulai kini jaan kau mangecek ka siapopun dalam namo Yesus.






Petrus pernah
maraso takuik
untuak tagak dan
mangecek untuak
Yesus. Tapi itu
tajadi sabalun
Roh Kudus
datang. Kini
indak ado surang
pun yang bisa
mambueknyo
takuik.




Petrus jo Yohanes manjawek,
"Silahkan
kau putuihan
surang yang ma
yang batua di
muko Allah: taat
ka engkau atau
taat kapado Allah,
sabab indak
mungkin kami
indak bakato-kato
tantang apo yang
alah kami caliak
dan yang alah
kami danga."



Sasudah
mangancam
jo kareh
pamimpin-
pamimpin itu
malapehan
Petrus jo Yohanes.
Pelayan-pelayan
Tuhan yang barani
itu bakato ka kawan-
kawannyo sadonyo
yang tajadi pado
urang itu dipinjaro
dan dipangadilan.



Sasudah itu
urang-urang itu
mangadoan satu
patamuan doa
dan pujian yang
gadang. Lagi, Roh
kudus mamanuahi
umaikNyo jo kuaso
dan gereja ketek
samakin tumbuah
dan tumbuah.



Kalahiran Gereja

Sabuah carito dari firman tuhan, Injil

Didapekan di

KPR 1-4

"Jalan masuak firman-firmanNyo mambarikan
cahayo." Mazmur 119:130



Tamat



Injil bacarito kapado kito tentang Tuhan kito nan sangaik hebat, nan manciptakan kito, dan Baliau andak awak mangenal-Nyo.

Tuhan tau kito mangarajokan nan indak elok, nan Beliau katoan doso. Hukuman babuek doso ialah mati, tapi Tuhan sangaiklah cinto kapado awak, Baliau mautuih anak semato wayang-Nyo, Yesus, untuak mati disalib dan dihukum ateh dosonyo surang. Sasudah itu Yesus iduik baliak, dan babaliak ka rumah, di sarugo! Apobilo awak picayo kapado Yesus, dan maminto-Nyo untuak mamaafkan doso-doso awak, Baliau andak mambueknyo! Baliau andak tibo dan iduik di dalam diri awak surang, dan awak andak iduik basamo-Nyo salamonyo.

Jiko awak picayo bahwo iko ialah sabuah kebenaran, kecekan iko kapado Tuhan: Ya Yesus, Ambo picayo bahwo Engkau ialah Tuhan, dan manjadi saurang manusia nan mati untuak doso awak, dan kini Engkau iduik baliak. Ambo mohon tibo ka dalom iduik awak dan maafkan doso-doso awak, sahinggo ambo mandapek kahidupan nan baru, dan suatu hari isuak bisa basamo-Nyo salamonyo. Tolong ambo untuak mamatuhi Engkau dan iduik untuak Engkau sabagai anak Engkau. Amin.

Baca Injil dan berbicara dengan Tuhan setiap hari! John 3:16

